

佛七課誦

佛七課誦

目次

一、灑淨規儀	一
二、佛七之五重玄義	三
三、佛七規儀	四
▲起七規儀	四
爐香讚	四
安位	五
彌陀經 往生咒	六
彌陀大願王	一
讚佛偈	一
大回向	一四
▲禮 祖	一六
四、佛前大供（起七與圓滿日修之）	一九
▲往生位前薦食	二二
▲往生位前回向	二二
五、二時臨齋儀	二三
六、受八關齋戒法	二五

七、發願文	二七
1. 慈雲懺主淨土文	二七
2. 大慈菩薩發願文	二七
3. 蓮池大師西方發願文	二八
4. 回向偈	二九
八、精進佛七儀規	三十
九、念佛圓通章	三四
十、四種念佛	三五
十一、阿彌陀經序文三篇	三六
蓮池大師彌陀疏鈔序	三六
幽豁大師圓中鈔序科表	三八
藕益大師彌陀要解序	四十
續法大師念佛圓通章序	四一
十二、淨土三要表解	四二
十三、往生論五念門	四四
十四、修定慧（止觀）須知	四九
十五、天台止觀綱要表解	五〇
十六、阿彌陀佛四十八願	五五

須知要項

- 一、以菩提心、公德心，遵守規矩，保持整潔。（寮房、浴廁等）
- 二、行住坐拜、穩重安詳、收眼神、不亂看、緩步輕聲。
- 三、若出堂或小淨或吃茶時，出入不得擁擠，亦不得對偶共語。
- 四、姿勢威儀、要正要直、挺胸撐肩。不駝背、不躬腰。
- 五、繞佛拜佛時腳部用力，能攝心、健身。
- 六、念佛聲音高低、快慢、韻調，皆須隨眾。
- 七、宜少言、止語。少食、持午。發心禁足、不出山門。
- 八、應自定功課，如每日念佛二至五萬聲，禮拜三百、一千拜等。
- 九、善調身心，防止魔障，注意飲食、衣服、生活、起居等，以免生疾病。
- 十、佛七期中若見佛菩薩、羅漢、光明、蓮花等相均不可執着，經云不作聖解是善境界，若起聖心即着群邪。又若見亡人鬼神等相，亦不可怖畏，惟一心念佛爲要，經云凡所有相皆是虛妄。

灑淨規儀

楊枝淨水遍洒三千性空八德利人天福壽

廣增延滅罪消愆火燄化紅蓮

南無清涼地菩薩摩訶薩三遍

南無大悲觀世音菩薩三稱

白水文

夫此水者八功德水自天真洗滌眾生業垢塵偏入毘盧華藏界箇中無處不超倫水不洗水妙契天真塵不染塵還作自己蠲除器界蕩滌壇場灑枯木以再逢春潔穢邦而成淨土我佛如來密教藏中有灑淨真言謹當持誦

菩薩柳頭甘露水能令一滴徧十方

腥膻垢穢悉蠲除令此壇場咸清淨

大悲咒

持誦繞念

摩訶般若波羅密多 (三唱)

大乘常住三寶

宣讀疏文

觀音讚

觀音大士悉號圓通 十二大願誓弘深 苦海度迷津

救苦尋聲 無利不現身

回向偈

以此嚴淨功德 回向護法龍天

三界嶽瀆靈聰 守護伽藍眞宰

祈福保安平善 莊嚴無上菩提

普願法界冤親 共入彌陀願海

禮佛三拜，圓滿。

佛七之五重玄義

一、釋名

打七：打者，作也，修也。七者，七日。專修七日之謂。

非打倒
第七識

打七有各種不同：

(一) 彌陀佛七、藥師佛七 (佛)

(二) 華嚴七、法華七 (法)

(三) 觀音七、地藏七 (僧)

二、顯體

以一念清淨心，所謂自性彌陀——實相爲體也。

三、明宗

以深信切願篤行，念佛七日，剋期取證念佛三昧 (即一心不亂) 爲宗。

四、辨用

七中若得一心，將來可以往生，現在消諸業障，增加福慧，以後修行較有體驗依據。又能增強記憶力、慧解力，改善性格習氣。

五、判教

佛七所依爲無上了義、最極圓頓之教相，所謂華嚴奧藏，法華秘髓，一切諸佛之心要，菩薩萬行之司南，皆不出此也。

囉喝帝。三藐三勃陀耶。怛姪他。唵。鞞殺逝。鞞殺逝。鞞殺社。三沒揭帝。莎訶。

佛光注照。本命元辰。災星退度。福星臨。九曜保長生。運限和平。福壽永康寧。

願消三障諸煩惱。願得智慧真明了。(增福報)

普願災障悉消除。往生圓成菩薩道。

(安位畢繞念六字佛號歸位。按照日課修持。)

往生蓮位前安位

南無清涼地菩薩摩訶薩 (三唱)

南無般若會上佛菩薩 三稱

般若波羅蜜多心經一遍 往生咒 三遍

斷疑生信。絕相超宗。頓亡人法解真空。般若味重重。四句融通。福德歎無窮。

願生極樂世界中 九品蓮華爲父母

華開見佛悟無生 迴入娑婆度有情

蓮池讚

蓮池海會彌陀如來觀音勢至坐蓮臺接引上金

階大誓弘開普願離塵埃

南無蓮池海會菩薩摩訶薩
(三編)

南無蓮池海會佛菩薩
(三稱)

佛說阿彌陀經

姚秦三藏法師鳩摩羅什譯

如是我聞。一時佛在舍衛國祇樹給孤獨園。與大比丘僧千二百五十人俱。皆是大阿羅漢。眾所知識。長老舍利弗。摩訶目犍連。摩訶迦葉。摩訶迦旃延。摩訶俱絺羅。離婆多。周利槃陀伽。難陀。阿難陀。羅睺羅。憍梵波提。賓頭盧頗羅墮。迦留陀夷。摩訶劫賓那。薄拘羅。阿菟樓駄。如是等諸大弟子。並諸菩薩摩訶薩。文殊師利法王子。阿逸多菩薩。乾

陀訶提菩薩。常精進菩薩。與如是等諸大菩薩。及釋提桓因等。無量諸天大眾俱爾時。◎（放掌）
佛告長老舍利弗。從是西方過十萬億佛土。有世界名曰極樂。其土有佛號阿彌陀。今
現在說法。舍利弗。彼土何故名爲極樂。其國眾生無有眾苦。但受諸樂。故名極樂。又舍
利弗。極樂國土七重欄楯。七重羅網。七重行樹。皆是四寶周而圍繞。是故彼國名爲極
樂。又舍利弗。極樂國土有七寶池。八功德水。充滿其中。池底純以金沙布地。四邊階道。
金銀瑠璃玻瓈合成。上有樓閣。亦以金銀瑠璃玻瓈碑磬赤珠瑪瑙而嚴飾之。池中蓮
華大如車輪。青色青光。黃色黃光。赤色赤光。白色白光。微妙香潔。舍利弗。極樂國土成
就如是功德莊嚴。又舍利弗。彼佛國土常作天樂。黃金爲地。晝夜六時。雨天曼陀羅華。
其土眾生常以清旦。各以衣祴盛眾妙華。供養他方十萬億佛。卽以食時。還到本國。飯
食經行。舍利弗。極樂國土成就如是功德莊嚴。復次舍利弗。彼國常有種種奇妙雜色
之鳥。白鶴孔雀。鸚鵡舍利。迦陵頻伽。共命之鳥。是諸眾鳥。晝夜六時。出和雅音。其音演
暢五根五力。七菩提分。八聖道分。如是等法。其土眾生聞是音已。皆悉念佛念法念僧。

舍利弗。汝勿謂此鳥。實是罪報所生。所以者何。彼佛國土。無三惡道。舍利弗。其佛國土。尚無惡道之名。何況有實。是諸眾生。皆是阿彌陀佛。欲令法音宣流。變化所作。舍利弗。彼佛國土。微風吹動。諸寶行樹。及寶羅網。出微妙音。譬如百千種樂。同時俱作。聞是音者。自然皆生念佛念法念僧之心。舍利弗。其佛國土成就如是功德莊嚴。舍利弗。於汝意云何。彼佛何故號阿彌陀。舍利弗。彼佛光明無量。照十方國。無所障礙。是故號爲阿彌陀。又舍利弗。彼佛壽命。及其人民。無量無邊阿僧祇劫。故名阿彌陀。舍利弗。阿彌陀佛成佛已來。於今十劫。又舍利弗。彼佛有無量無邊聲聞弟子。皆阿羅漢。非是算數之所能知。諸菩薩眾。亦復如是。舍利弗。彼佛國土成就如是功德莊嚴。又舍利弗。極樂國土。眾生生者。皆是阿鞞跋致。其中多有一生補處。其數甚多。非是算數所能知之。但可以無量無邊阿僧祇說。舍利弗。眾生聞者。應當發願。願生彼國。所以者何。得與如是諸上善人。俱會一處。舍利弗。不可以少善根福德因緣。得生彼國。舍利弗。若有善男子。善女人。聞說阿彌陀佛。執持名號。若一日。若二日。若三日。若四日。若五日。若六日。若七日。

一心不亂。其人臨命終時。阿彌陀佛與諸聖眾。現在其前。是人終時。心不顛倒。卽得往生阿彌陀佛極樂國土。舍利弗。我見是利。故說此言。若有眾生聞是說者。應當發願。生彼國土。舍利弗。如我今者。讚歎阿彌陀佛不可思議功德之利。（合掌）東方亦有阿閼鞞佛。須彌相佛。大須彌佛。須彌光佛。妙音佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念。舍利弗。南方世界。有日月燈佛。名聞光佛。大燄肩佛。須彌燈佛。無量精進佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念。舍利弗。西方世界。有無量壽佛。無量相佛。無量幢佛。大光佛。大明佛。寶相佛。淨光佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念。舍利弗。北方世界。有燄肩佛。最勝音佛。難沮佛。日生佛。網明佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚

不可思議功德一切諸佛所護念經。舍利弗。下方世界有師子佛。名聞佛。名光佛。達摩佛。法幢佛。持法佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念經。舍利弗。上方世界有梵音佛。宿王佛。香上佛。香光佛。大燄肩佛。雜色寶華嚴身佛。娑羅樹王佛。寶華德佛。見一切義佛。如須彌山佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念經。舍利弗。於汝意云何。何故名爲一切諸佛所護念經。舍利弗。若有善男子善女人。聞是經受持者。及聞諸佛名者。是諸善男子善女人。皆爲一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語。及諸佛所說。舍利弗。若有人已發願。今發願。當發願。欲生阿彌陀佛國者。是諸人等。皆得不退轉於阿耨多羅三藐三菩提。於彼國土。若已生。若今生。若當生。是故舍利弗。諸善男子善女人。若有信者。應當發願。生彼國土。舍利弗。如我今者。稱讚諸佛不可思議功德。彼諸佛等。亦稱讚我不可

思議功德。而作是言。釋迦牟尼佛。能爲甚難希有之事。能於娑婆國土五濁惡世。劫濁見濁。煩惱濁。眾生濁。命濁中。得阿耨多羅三藐三菩提。爲諸眾生。說是一切世間難信之法。舍利弗。當知我於五濁惡世。行此難事。得阿耨多羅三藐三菩提。爲一切世間。說此難信之法。是爲甚難。佛說此經已。舍利弗。及諸比丘。一切世間天人阿脩羅等。聞佛所說。歡喜信受。作禮而去。

佛說阿彌陀經

拔一切業障根本得生淨土陀羅尼（三遍）

南無阿彌多婆夜。哆他伽多夜。哆地夜他。阿彌利都婆毗。阿彌利哆。悉耽婆毗。阿彌利哆。毗迦蘭帝。阿彌利哆。毗迦蘭多。伽彌膩。伽伽那。枳多迦利。娑婆訶。

彌陀佛 大願王 慈悲 喜捨 難量

眉間常放白毫光 度眾生 極樂邦 八德池中蓮九

品 七寶 妙樹 成行 如來聖號

若宣揚 接引 往西方 彌陀聖號若稱揚

同願 往西方

阿彌陀佛身金色 相好光明無等倫

白毫宛轉五須彌 紺目澄清四大海

光中化佛無數億 一
化菩薩眾亦無邊 一

四十八願度眾生 一
九品咸令登彼岸 一

南無西方極樂世界 大慈大悲 阿彌陀佛

南無阿彌陀佛

隨念數百或一千聲。越多越好。至班首合掌。
轉念四字佛。迨大眾歸位齊。收結佛號。

願我臨終無障礙 彌陀聖眾遠相迎
迅離五濁生淨土 迴入娑婆度有情

大回向

弟子眾等。現是生死凡夫。罪障深重。輪廻六道。苦不可言。今遇知識。得

聞彌陀名號。本願功德。一心稱念。求願往生。願佛慈悲不捨。哀憐攝受。

弟子眾等。不識佛身。相好光明。願佛示現。令我得見。及見觀音勢至。諸

菩薩眾。彼世界中。清淨莊嚴。光明妙相等。令我得了。得見阿彌陀佛。

起立，
出位，
合掌，
繞念。

南無阿彌陀佛。繞念一匝，鳴磬一聲。

南無觀世音菩薩。

繞念一匝，鳴磬一聲。接念

南○無○大○勢○至○菩○薩○

繞念一匝，鳴磬一聲。接念

南○無○清○淨○大○海○眾○菩○薩○

繞念一匝，歸位，鳴磬，跪下，收聖號。收聖號後，跪念下文時，當觀想彌陀恩德無量。自悲障重，不獲見佛，須生慚愧，深自痛責，願見彌陀。（敲引磬，一字一擊，隨念隨作此想願。）

願我臨終無障礙。阿彌陀佛遠相迎。
觀音甘露灑吾頭。勢至金臺安我足。
一刹那中離五濁。屈身臂頃到蓮池。
蓮華開後見慈尊。親聽法音可了了。
聞已即悟無生忍。不違安養入娑婆。
善知方便度眾生。巧把塵勞爲佛事。
我願如斯佛自知。畢竟當來得成就。

拜下，起立。

此文古今大有靈驗，或有於正發願時，見諸瑞相，或於睡夢之中，得見阿彌陀佛，放大光明，感應事繁，不能具述。唯勵意行之者，方信不虛矣。

一心頂禮。宏揚淨樂土。釋迦如來。千百億化身。徧法界諸佛。

一心頂禮。常寂光淨土。阿彌陀如來。清淨妙法身。徧法界諸佛。

一心頂禮。實報莊嚴土。阿彌陀如來。微塵相海身。徧法界諸佛。

一心頂禮。方便聖居士。阿彌陀如來。解脫相嚴身。徧法界諸佛。

一心頂禮。西方安樂土。阿彌陀如來。大乘根界身。徧法界諸佛。

一心頂禮。西方安樂土。阿彌陀如來。十方化往身。徧法界諸佛。以上佛寶

一心頂禮。西方安樂土。教行理三經。及依正宣揚。徧法界尊法。以上法寶

一心頂禮。西方安樂土。觀世音菩薩。萬億紫金身。徧法界菩薩摩訶薩。

一心頂禮。西方安樂土。大勢至菩薩。無邊光熾身。徧法界菩薩摩訶薩。

一心頂禮。西方安樂土。清淨大海眾。滿分二嚴身。徧法界聖眾。以上僧寶

自皈依佛。當願眾生。體解大道。發無上心。

自皈依法。當願眾生。深入經藏。智慧如海。

自皈依僧。當願眾生。統理大眾。一切無礙。

再禮佛三拜，維那師
鳴大磬一聲，復接呼。

佛七圓滿日，三皈依後禮祖，
禮祖畢，再接各人代爲。

各人代爲父母師長。暨歷劫怨親。禮佛三拜。求生淨土。

各人高聲答阿彌陀佛，隨即拜下。再呼求生淨土，再答阿彌陀佛，拜下。三呼
求生淨土，三答阿彌陀佛，拜下。（每逢佛字，皆敲大鐘一槌。）維那師再呼。

是日已過。命亦隨滅。如少水魚。斯有何樂。大眾。當勤精進。如救頭然。

但念無常。慎勿放逸。衆答阿彌陀佛，問訊而退。

禮祖

佛七圓滿日，大回向後禮祖。

頂禮西天東土歷代祖師。

頂禮天下宏揚佛法諸大善知識

頂禮初祖廬山東林遠公大師

頂禮二祖長安光明導公大師

頂禮三祖南嶽般舟遠公大師

頂禮四祖五臺竹林照公大師

頂禮五祖新定烏龍康公大師

頂禮六祖杭州永明壽公大師

頂禮七祖杭州昭慶常公大師

頂禮八祖杭州雲棲宏公大師

頂禮九祖北天目靈峯旭公大師

頂禮十祖虞山普仁策公大師

頂禮十一祖杭州梵天齊公大師

頂禮十二祖紅螺資福醒公大師

頂禮十三祖蘇州靈巖量公大師

頂禮古今蓮社宗師

頂禮主七和尚

佛前大供

香 讚

戒 定 眞 香 焚 起 衝 天 上 弟 子 虔 誠 熱 在

金 鑪 放 頃 刻 紛 紜 卽 徧 滿 十 方 昔 日 耶 輸

免 難 消 災 障 南 無 香 雲 蓋 菩 薩 摩 訶 薩 三 遍

南 無 靈 山 會 上 佛 菩 薩 三 遍

南 無 常 住 十 方 佛 自 此 以 下 ， 週 而 復 始 ， 共 念 三 遍 。

南 無 常 住 十 方 法

南 無 常 住 十 方 僧

南 無 本 師 釋 迦 牟 尼 佛

南 無 消 災 延 壽 藥 師 佛

南無極樂世界阿彌陀佛

南無當來下生彌勒尊佛

南無十方三世一切諸佛

南無大智文殊師利菩薩

南無大行普賢菩薩

南無大願地藏王菩薩

南無大悲觀世音菩薩

南無大力大勢至菩薩

南無清淨大海眾菩薩

南無歷代祖師菩薩

南無護法諸天菩薩

南無伽藍聖眾菩薩

變食眞言

(經云供佛應念廿一遍，供天十四遍，施亡魂七遍)

曩謨薩嚩怛他誒多

嚩嚩枳帝

唵

三跋囉

三跋囉

吽

甘露水眞言

(七遍)

曩謨蘇嚩婆耶怛他誒多耶

怛姪他

唵

蘇嚩

蘇嚩

鉢囉

蘇嚩

鉢囉

蘇嚩

娑婆訶

此食色香味

上供十方佛

中奉諸聖賢

下及六道品

等施無差別

隨願皆飽滿

令今施者得

無量波羅蜜

三德六味

供佛及僧

法界有情

普同供養

普供養眞言

(七遍)

唵

誚誚

三婆

伐日囉

南無大乘常住三寶

三稱

若宣讀疏文可加念。

三稱三拜

天

厨妙供

禪悅酥

醑

香花時果共燈燭

虔誠獻佛陀

達摩僧

伽

唯願哀納受

南無禪悅藏菩薩摩訶薩
摩訶般若波羅蜜

此佛前大供儀式，凡諸佛菩薩聖誕，及每月朔望，良辰佳節，皆宜修之。又供佛已畢，出位念四字佛號，至往生位前薦食。○長生位前，第一支香已經回向，此時及晚課後，則專爲亡者薦食，期生淨土。

往生位前薦食

南無清涼地菩薩摩訶薩 三唱

南無般若會上佛菩薩 三稱

般若波羅蜜多心經 一卷 往生咒、變食真言、甘露水真言、普供養真言 各三遍

蓮池海會 彌陀如來 觀音勢至坐蓮台 接引上金階 大誓弘開 普願離塵

埃 接念四字佛號，回至佛前，念回向偈

供佛已訖 當願眾生 所作皆辦 具諸佛法

晚課後往生位前廻向

南無清涼地菩薩摩訶薩 三唱

南無西方接引阿彌陀佛 三稱

慈雲懺主淨土文 一遍 往生咒、變食真言、甘露水真言、普供養真言 各三遍

阿彌陀佛 無上醫王 巍巍金相放毫光 苦海作舟航 九品蓮邦 同願往西方

願生西方淨土中 九品蓮華爲父母

華開見佛悟無生 不退菩薩爲伴侶

二時臨齋儀

時至，聽叫香。及出堂火版聲。敲引磬小魚。起佛號。念佛至齋堂。大眾到齊。收佛號滾火版。交引磬。維那師舉腔。大眾同念

一、供佛

供養清淨法身毗盧遮那佛。圓滿報身盧舍那佛。千百億化身釋迦牟尼佛。極樂世界阿彌陀佛。當來下生彌勒尊佛。十方三世一切諸佛。大智文殊師利菩薩。大行普賢菩薩。大願地藏王菩薩。大悲觀世音菩薩。諸尊菩薩摩訶薩。摩訶般若波羅蜜。

粥有十利。饒益行人。果報無邊。究竟常樂。

七遍。早齋出。

法力不思議。慈悲無障礙。七粒徧十方。普施周沙界。唵。度利益莎訶。

生用此偈咒。

三德六味。供佛及僧。法界有情。普同供養。若飯食時。當願衆生。禪悅爲食。

法喜充滿。

七遍。午齋。

大鵬金翅鳥。曠野鬼神眾。羅刹鬼子母。甘露悉充滿。唵。穆帝莎訶。

出生用此偈咒。

汝等鬼神眾。我今施汝供。此食徧十方。一切鬼神共。唵。穆力陵莎訶。

侍者出生送食默念此偈一遍。咒三遍。三彈指。如無侍者。自送亦爾。
以上未食前念，至大眾食已。僧值師居中向上站。默示結齋。維那師即舉腔。大眾隨同念。

二、結 齋

薩多南 三藐三菩陀 俱胝南 怛姪他 唵 折隸主隸 準提娑婆訶
所謂布施者 必獲其利益 若為樂故施 後必得安樂 專為施主回向
飯食已訖 當願眾生 所作皆辦 具諸佛法 普為眾生回向

繞佛念佛

南無阿彌陀佛

回向發願偈

願我臨終無障礙

彌陀聖眾遠相迎

花開見佛悟無生

迴入娑婆度有情

加持準
提咒

受八關齋戒法

甲、發願

歸命一切佛，惟願一切佛菩薩眾，攝受於我。一說

我今歸命勝菩提 最上清淨佛法眾 眾即僧也

我發廣大菩提心 自他利益皆成就

懺除一切不善業 隨喜無邊眾福蘊

先當不食一日中 後修八種長養法 案即一日夜中過午不食

乙、三皈

我名某甲，惟願阿闍梨（譯為教授師）攝受於我。我從今時，

（得戒體）

發淨信心，乃至坐菩提場，成等正覺。

誓歸依佛，二足勝尊 一足言福足慧足

誓歸依法，離欲勝尊

誓歸依僧，調伏勝尊

如是三寶是所歸趣。三說

丙、八戒

我某甲淨信優婆塞，惟願阿闍梨，憶持護念，我從今日今時，

（明戒相）

發起淨心，乃至過是夜分，訖於明旦日初出時，於其中間奉持

八戒。所謂

丁、回 向

註：

附：

一、不殺生，二、不偷盜，三、不非梵行，四、不妄語，五、不飲酒，六、不非時食，七、不香華鬘莊嚴其身，亦不歌舞倡伎，八、不坐臥高廣大牀。

我今捨離如是等事，誓願不捨清淨禁戒八種功德。 三說

我持戒行，莊嚴其心，令心喜悅。廣修一切相應勝行，與戒相應之勝行即定慧

求成佛果，究竟圓滿。一說

我發無二最上心 為諸眾生不請友

勝菩提行善所行 成佛世間廣利益 （殊勝之菩提行、為善人所行）

願我乘是善業故 此世不久成正覺

說法饒益於世間 解脫眾生三有苦 三說 （三有即三界）

過午之後（十二時以後）凡丸散膏丹一切藥品、紅糖、白糖、冰糖、糖水、米糖、麥糖、蜂蜜、汽水、果汁（濾清無渣）薑湯、鹽水均可飲服。但豆漿、牛奶、糕餅、麪類食品，則律中不許飲用，食則違犯。又居處附近無僧伽時，可於佛前依此法自受之。

經云：受持八關齋戒，除五逆罪，其他諸罪，悉皆消滅。

受持八關齋戒，更修定慧，得證四果阿羅漢。又能懺罪、消災、增福、增慧故。

受持八關齋戒，念佛發願往生極樂世界，得中品中生乃至上品上生。

慈雲懺主淨土文

一心皈命極樂世界阿彌陀佛。願以淨光照我。慈誓攝我。我今正念稱如來名爲菩提道。求生淨土。佛昔本誓。若有眾生欲生我國。志心信樂。乃至十念。若不生者。不取正覺。以此念佛因緣。得入如來大誓海中。承佛慈力。眾罪消滅。善根增長。若臨命終。自知時至。身無病苦。心不貪戀。意不顛倒。如入禪定。佛及聖眾。手執金臺。來迎接我。於一念頃。生極樂國。華開見佛。卽聞佛乘。頓開佛慧。廣度眾生。滿菩提願。十方三世一切佛。一切菩薩。摩訶薩。摩訶般若波羅蜜。

大慈菩薩發願文

十方三世佛阿彌陀第一。九品度眾生威德無窮極。我今大皈依懺悔三業罪。凡有諸福善。至心用回向。願同念佛人。感應隨時現。臨終西方境分明。在目前。見聞皆精進。同生極樂國。見佛了生死。如佛度一切。無邊煩惱斷。無量法門修。誓願度眾生。總願成佛道。虛空有盡。我願無窮。情與無情。同圓種智。十方三世一切佛。一切菩薩。摩訶薩。摩訶般若波羅蜜。

蓮池
大師

西方發願文

印光大師稱讚此文詞理周到，爲古今冠，故加印於後，以資普沾法益。

稽首西方安樂國

接引眾生大導師

我今發願願往生

惟願慈悲哀攝受

弟子某甲。普爲四恩三有。法界眾生。求於諸佛。一乘無上菩提道故。專心持念阿彌陀佛。萬德洪名。期生淨土。又以業重福輕。障深慧淺。染心易熾。淨德難成。今於佛前。翹勤五體。披瀝一心。投誠懺悔。我及眾生。曠劫至今。迷本淨心。縱貪瞋痴。染穢三業。無量無邊。所作罪垢。無量無邊。所結怨業。願悉消滅。從於今日。立深誓願。遠離惡法。誓不更造。勤修聖道。誓不退墮。誓成正覺。誓度眾生。阿彌陀佛。以慈悲願力。當證知我。當哀愍我。當加被我。願禪觀之中。夢寐之際。得見阿彌陀佛。金色之身。得歷阿彌陀佛。寶嚴之土。得蒙阿彌陀佛。甘露灌頂。光明照身。手摩我頭。衣覆我體。使我宿障自除。善根增長。疾空煩惱。頓破無明。圓覺妙心。廓然開悟。寂光真境。常得現前。至於臨欲命終。預知時至。身無一切病苦厄難。心無一切貪戀迷惑。諸根悅豫。正念分明。捨報安詳。如入禪定。阿彌陀佛。與觀音勢至。諸聖賢眾。放光接引。垂手提携。樓閣幢幡。異香天樂。西方聖境。昭

示目前。令諸眾生。見者聞者。歡喜感歎。發菩提心。我於爾時。乘金剛台。隨從佛後。如彈指頃。生極樂國。七寶池內。勝蓮華中。華開見佛。見諸菩薩。聞妙法音。獲無生忍。於須臾間。承事諸佛。親蒙授記。得受記已。三身四智。五眼六通。無量百千陀羅尼門。一切功德。皆悉成就。然後不違安養。迴入娑婆。分身無數。徧十方刹。以不可思議自在神力。種種方便。度脫眾生。咸令離染。還得淨心。同生西方。入不退地。如是大願。世界無盡。眾生無盡。業及煩惱。一切無盡。我願無盡。願今禮佛發願。修持功德。回施有情。四恩總報。三有齊資。法界眾生。同圓種智。

回向偈

(每支香最後唱念回向)

願以此功德。莊嚴佛淨土。

上報四重恩。下濟三塗苦。

若有見聞者。悉發菩提心。

盡此一報身。同生極樂國。

靈巖山寺
印祖道場

精進佛七儀規

每年精進佛七・舉行之前・先加香・以爲正式精進七之準備。其時期於十月十五日夜・誦戒・後起香・

每日早課加香一枝。夜間延長一小時再加香板推醒昏沈以作助道。加香時整理精進期中一切規矩。訓練鍵槌調和身心。至十月二十六日。加香期滿。二十七日爲印祖示疾日。卽正式起精進七至十一月初四日。爲印祖示寂日。一七圓滿。專爲紀念印祖之佛七。從初五日。再繼續至十二月二十五日。解七。連前加香。共計十個佛七。精進期中不上殿。不上供。專一念佛。所有上供及蒙山等項。另由外寮師行之。（齋主之佛七照常啓建。惟上供薦食。另派數師行之。齋主之普佛。亦由外寮諸師上殿行之。）加香及精進七期中。堂中行持。以一句佛號。絲密不斷。俾得一心不亂爲宗旨。止靜時。除原有巡幡。另請各執事。授以香板。輪流進堂。監香。不特警策其昏沈。且整飭其威儀也。

每日上午第一枝香。下午第一枝香。在止靜時。由各班首輪流開導用功方法。晚上第

一枝香止靜時。由和尙開導。上午第二枝香。第三枝香。下午第二枝香。第三枝香。晚上第二枝香。將止靜時。或班首。或維那。以規矩及警策。用簡單數語。加以提醒。卽止靜。茶水及後架事。除打四枝及粥飯回堂。晚課香了。大回向畢之五次外。其餘皆有一定之次序。及時間。每枝香歸位及止靜時。由維那師副監香師。拿香板前後分領兩單諸師出堂。或小圍。或吃茶。只許五分鐘爲度。諸師出入。不得擁擠。亦不得言語嬉笑。犯者卽呵斥。或罰跪香。事已。香板押後回堂。精進期中。除每日受食外。不準出止靜門。不得對偶共語。非此。則淨念難以相繼也。

每日功課起止時間。早三時一刻下單。三時三刻起香。念彌陀經一卷。接讚佛偈。繞念至四時半歸位。四時三刻止靜。五時開靜。五時一刻回向。下位。起第二枝香。繞念一刻。至五時半歸位。五時三刻止靜。聽叫香。開靜。候呼板。念佛出堂。受食早粥回堂後。七時半起香。念讚佛偈。繞念至八時歸位。八時一刻止靜。八時三刻開靜。起佛號。念至九時回向畢。下位。接第二枝香。起佛號。念至九時半歸位。九時三刻止靜。十時開靜。十時一刻回向。下位。接第三枝香。起佛號。繞念至十時半歸位。十時三刻止靜。聽叫香。開靜。念佛出堂受食。午後一時起香。舉讚佛偈。繞念至一時半歸位。一時三刻止靜。二時一刻

開靜。二時半回向。下位。起第二枝香。起佛號。繞念至三時歸位。三時一刻止靜。三時半開靜。三時三刻回向。下位。起第三枝香。繞念至四時一刻歸位。四時半止靜。四時三刻開靜。五時煞板。回向。禮佛三拜。晚六時起香。舉讚佛偈。繞念至六時半歸位。六時三刻止靜。七時半開靜。七時三刻回向。下位。起第二枝香。繞念至八時一刻歸位。八時半止靜。九時開靜。再念至九時一刻。打叫香。下位。起第三枝香。大回向。至十時放養息。

佛前供香偈

願此香花 普遍十方 供養三寶
護法龍天 普熏眾生 同入佛智

蓮位前供香偈

願此香花承佛力 遍至祖先蓮位前 轉供十方佛法僧
普熏法界諸眾生 蒙熏皆發菩提心 同入無生證佛智

靈巖寺念佛堂日課

(宜作參考)

第一枝香——七點半鐘起香・八點鐘歸位・八點一刻鐘止靜・八點三刻鐘開靜

・九點鐘迴向。

第二枝香——九點鐘起香・九點半鐘歸位・九點三刻鐘止靜・十點一刻鐘開靜

・十點半鐘迴向。

第三枝香——一點鐘起香・一點半鐘歸位・一點三刻鐘止靜・二點一刻鐘開靜

・二點半鐘迴向。

第四枝香——二點半鐘起香・三點鐘歸位・三點一刻鐘止靜・三點三刻鐘開靜

・四點鐘迴向。

第五枝香——六點鐘起香・六點半鐘歸位・六點三刻鐘止靜・七點一刻鐘開靜

・七點半鐘迴向。

第六枝香——七點半鐘起香・七點三刻鐘歸位・八點鐘止靜・八點半鐘開靜後

，即接大迴向・九點鐘一日功課圓滿。

大勢至菩薩念佛圓通章

大勢至法王子。與其同倫五十二菩薩。卽從座起。頂禮佛足。而白佛言。我憶往昔恆河沙劫。有佛出世。名無量光。十二如來。相繼一劫。其最後佛。名超日月光。彼佛教我念佛三昧。譬如有人。一專爲憶。一人專忘。如是二人。若逢不逢。或見非見。二人相憶。二憶念深。如是乃至從生至生。同於形影。不相乖異。十方如來。憐念眾生。如母憶子。若子逃逝。雖憶何爲。子若憶母。如母憶時。母子歷生。不相違遠。若眾生心。憶佛念佛。現前當來。必定見佛。去佛不遠。不假方便。自得心開。如染香人。身有香氣。此則名曰香光莊嚴。我本因地。以念佛心。入無生忍。今於此界。攝念佛人。歸於淨土。佛問圓通。我無選擇。都攝六根。淨念相繼。得三摩地。斯爲第一。

四種念佛

(一)實相念佛：卽禪、觀也。

(二)觀想念佛：觀佛道力、功德、慈悲等。

(三)觀像念佛：1. 日觀：定心——放下萬緣、單提一念。所謂精神集中、意志集中，能治心理散漫、精神分裂症。

2. 水觀：淨心——所謂洗心滌慮也。

3. 冰觀：凝心——明淨瑩澈、凝固不動。

4. 華觀：運心——作蓮花開合想。

5. 佛觀：佛心——是心作佛、是心是佛。

(四)持名念佛：執持佛號、一心稱念。有事念理念二種。

事念：信有西方阿彌陀佛，而未知是心是佛，是心作佛，但以決志願求往生故，如子憶母，無時暫忘。

理念：信西方阿彌陀佛，是我心具，是我心造，卽以自心所造洪名，爲繫心之境，令不暫忘也。

以上四種，應以持名念佛爲正行。量自根機，以觀像、觀想、實相爲助行。

阿彌陀經序文三篇

一、阿彌陀經疏鈔序

蓮池大師（閱此可以了知經文義理之綱要）

明性靈明洞澈，湛寂常恒，非濁非清，無背無向，大哉真體。不可得而思議者，其唯自性歟。

總讚澄濁而清，返背而向。越三祇於一念，齊諸聖於片言。至哉妙用，亦不可得而思議者，其惟佛說阿彌陀經歟。

說經所以淨土功德，故我世尊，乍說三乘，終歸一實。等頒珍賜，更錫殊恩。

淨土功德，指四十八之願門，開一十六之觀法。願願歸乎普度，觀觀宗乎妙心。

論要約又以願門廣大，貴在知先。觀法深玄，尤應守約。知先則務生彼國，守約則惟事持名。舉其名兮，兼眾德而具備。專乎持也，統百行以無遺。

因成從茲而萬慮咸休，究極乎一心不亂。

果

證

乃知匪離跬步，寶池涌四色之華。不出戶庭，金蓮繞七重之樹。

處處彌陀說法，時時蓮蕊化生。珍禽與庶鳥偕音、瓊院共茆堂並

彩。

總

結

蓋繇念空真念，生入無生。念佛卽是念心，生彼不離生此。心佛眾生一體，中流兩岸不居。故謂自性彌陀、唯心淨土。

總

歎

奈何守愚之輩，著事而理無聞。小慧之流，執理而事遂廢。著事而迷理，類蒙童讀古聖之書。執理而遺事，比貧士獲豪家之券。

別

歎

然著事而念能相繼，不虛入品之功。執理而心實未明，反受落空之禍。

結

歎

遂使垂手徒勤，倚門空望。上孤佛化，下負己靈。今生以及多生，一誤而成百誤。甘心苦趣，束手死門。無救無歸，可悲可痛。

二、阿彌陀經略解圓中鈔序科表

大佑大師解・幽豁大師鈔

甲一 序說經之由

乙一 序緣起

丙一 推尋源流

丁一 眞源不二……………夫寂光眞淨・初無苦樂之殊。

丁二 妄派成殊……………妄識紛紜・遂有聖凡之異。

丙二 正序緣起……………由是漂流五濁・莫返一眞。

故我釋尊・示生堪忍。

乙二 序說經

丙一 序住處機宜……………當祇園之嘉會・告身子之利根。

丙二 序所說法要

丁一 序經名……………開法藏之願門・指樂邦之妙土。

丁二 序經體……………瓊林玉沼・直顯於心源。

壽量光明・全彰於自性。

丁三 序宗要……………眾聖同處・非少善之得生。

七日持名・在一心之不亂。

丁四 序力用

戊一 正明力用……………事理體一・生佛原同。

無緣之慈・不謀而應。

戊二 所發功勳……………了惟心之本具・億刹非遙。

知大願之可憑・三祇橫截。

甲二 序註解之由

乙一 正序

丙一 序廣解之由……………經文簡約・佛旨玄微。

持誦雖多・研詳實寡。

丙二 序略解之由……………惟前賢之著述・嗟末俗之罕聞。

丙三 正序略解

丁一 序謙光……………竊效流通・略申援引。

丁二 序己志願……………願與同志・普結淨緣。

咸契無生・同登不退云爾。

三、阿彌陀經要解序

蕩益大師

原夫諸佛憫念羣迷・隨機施化・雖歸元無二・而方便多門。然於一切方便之中・求其至直捷至圓頓者・則莫若念佛求生淨土。又於一切念佛法門之中・求其至簡易至穩當者・則莫若信願專持名號。是故淨土三經並行於世・而古人獨以阿彌陀經列爲日課・豈非有見於持名一法・普被三根・攝事理以無遺・統宗教而無外・尤爲不可思議也哉。

四、阿彌陀經要解跋

經云・末法億億人修行・罕一得道・唯依念佛得度・嗚呼・今正是其時矣・捨此不思議法

門。其何能淑。旭出家時。宗乘自負。藐視教典。妄謂持名。曲爲中下。後因大病。發意西歸。復研妙宗圓中二鈔。及雲棲疏鈔等書。始知念佛三昧。實無上寶王。方肯死心執持。名號。萬牛莫挽也。

五、楞嚴經念佛圓通章序（念佛宗致）


續法大師


大矣哉，念佛之爲法門也、大小並收、利鈍均攝。事理圓融、性相無礙。卽佛是心、無一心而非心佛。卽心是佛、無一佛而非佛心。心一憶也、佛佛全彰。佛一稱也、心心頓顯。無有心外佛、爲心所憶。亦無佛外心、爲佛所稱。眾生念佛、佛在眾生心內。佛念眾生、眾生在佛心中。是心作佛、心不念而佛不作。卽佛顯心、佛不稱而心不顯。則知念佛一門、誠爲見性成佛之妙法矣。

淨土三要表解

淨土三要

(三資糧)





往生論五念門

若善男子善女人。修五念門行成就畢竟得生安樂國土。見彼阿彌陀佛。何等五念門。
一者禮拜門。

身業禮拜阿彌陀如來應正徧知。爲生彼國意故。

二者讚歎門。

口業讚歎。稱彼如來名。如彼如來光明智相。如彼名義。欲如實修行相應故。

三者作願門。

心常作願。一心專念。畢竟往生安樂國土。欲如實修行奢摩他故。

四者觀察門。

智慧觀察。正念觀彼。欲如實修行毗婆舍那故。彼觀察有三種。何等三種。

一者觀察彼佛國土莊嚴功德。

二者觀察阿彌陀佛莊嚴功德。

三者觀察彼諸菩薩功德莊嚴。

五者迴向門。

不捨一切苦惱眾生。心常作願迴向爲首。得成就大悲心故。

淨土法門之殊勝

1. 契合末法根機：末法之後，彌陀經留世百年故。
2. 他宗修持，必須斷惑證真，乃可了生脫死。
淨宗修持，惟在深信切願篤行，即得帶業往生。……………（不更造業）
3. 三根普被——鈍：一句彌陀，慕地念去，不須理解博究。……………（隨分而學）
利：自性彌陀，唯心淨土。
4. 下手容易（但念彌陀）……………（尊重而修）
5. 修持方便（隨時隨地可修）……………（謹慎而修）
6. 穩當無錯（如空中飛人，下有接網，不致墜地傷亡。）……………（老實而修）
7. 容易成就（一心而念，不須開悟證果。）……………（不可輕率）
8. 當生成就（不須三祇）……………（仍須勤修）
9. 成功相同（與最上乘同）……………（事理一心）
10. 橫超直捷（心作、心是）……………（自性彌陀）
11. 自力難、二力易（自他不二）……………（以自感他）
12. 事實證明（末法時期得一心不亂，往生之人，較他宗悟證之人爲多。）
13. 厭離娑婆（求了生死厭離五濁）
14. 求生極樂（如入最理想之佛學院、住最莊嚴之寺院道場）

念佛三昧摸象記擷錄

印光大師代他人作

歲在丙午，予掩關于慈谿之寶慶寺。謝絕世緣，修習淨業。值寺主延諦閑法師，講彌陀疏鈔于關傍。予遂效匡衡鑿壁故事，于關壁開一小竅。不離當處，常參講筵。

其樂：從茲念佛，愈覺親切。佛號一舉，妄念全消。透體清涼。中懷悅豫。直同甘露灌頂，醍醐沃心。其爲樂也莫能喻焉。

客問：一日，有客詣關而問曰，念佛一法，吾已修持二十餘年。于生信發願修行，非不真切。而業深障重，終未能到一心不亂境界。窺吾根性，祇合帶業往生。雖念佛三昧非此生所敢冀。其能得之法，與所得之相，師其爲我言之。予曰：三昧境相，唯證方了。如人飲水，冷暖自知。我旣未證，焉能宣說。

其法：客固請不已。予曰，若論其法，必須當念佛時，卽念返觀，專注一境，毋使外馳。念念照顧心源，心心契合佛體。返念自念，返觀自觀，

卽念卽觀，卽觀卽念。務使全念卽觀，念外無觀。全觀卽念，觀外無念。觀念雖同水乳，尙未鞫到根源。須向者一念南無阿彌陀佛上，重重體究，切切提撕。越究越切，愈提愈親。及至力極功純，豁然和念脫落，證入無念無不念境界。所謂靈光獨耀，迴脫根塵。體露眞常，不拘文字。心性無染，本自圓成，但離妄念，卽如如佛者，此之謂也。工夫至此，念佛法得。感應道交，正好著力。

其相：其相如雲散長空，青天徹露。親見本來，本無所見。無見是眞見，有見卽隨塵。到此則山色溪聲，咸是第一義諦。鴉鳴鵲噪，無非最上眞乘。活潑潑應諸法，而不住一法。光皎皎照諸境，而了無一物。

其用：語其用，如旭日之東升，圓明朗照。

其體：語其體，猶皓月之西落，清淨寂滅。卽照卽寂，卽寂卽照，雙存雙泯，絕待圓融。譬若雪覆千山，海吞萬派，唯是一色，了無異味，無罣無礙，自在自如。

其利：論其利益，現在則未離娑婆，常預海會。臨終則一登上品，頓證佛乘。唯有家裏人，方知家裏事，語于門外漢，遭謗定無疑。

開示念佛緊要語

諦閑大師

一、阿彌陀佛，誰不能念？而偏不易念；西方極樂，誰不願生？而罕得往生，蓋念佛之人，未得其訣耳。

二、教念佛而使之真切者，其唯死之一字歟！死之一字在念頭，則境緣自然冷淡。情愛亦自輕微，名利勢豪，向此處俱用不着。見聞知解，到此却使不行。四大各離，將何所靠，孤魂無主，安得自由？此時不見彌陀，恐逢羅刹，此時不入淨土，恐入驢胎。縱無惡業，亦不免人道往返，卽有善因，其怎奈天福易盡。

三、莫云自有主宰，業果所牽，誠難迴避。莫道本無生死，識心未盡，總屬輪迴。莫視此事爲緩，明日之事，今日不知。莫將此爲輕，錯過此身，沉淪永劫。

四、視一切事，無如生死事大，則事事皆不切之事。於一切時，總作歸命終時，則時時皆念佛之時。如是念佛，斯爲切心，如是切心，斯生淨土。須下死功夫，纔成淨業。常念死時節，方肯切心。

修定慧(止觀)須知 三界、四禪、八定、九地

無色界				色界				欲界	三界
四空				四禪					八定
外道定				凡夫定				五趣雜居地	九地
非想非非想處	無所有處	識無邊處	空無邊處	捨念清淨地 (四禪)	離喜妙樂地 (三禪)	定生喜樂地 (二禪)	離生喜樂地 (初禪)	欲界無定，非昏即散。	解
此中有想，微細難覺，故謂非有想。以有想故非無想，故名非想。非非想定。此四空定，總以厭離四禪色相故，名無色界。	若識久緣則散，故觀識生厭，如病如癰，破除識相，心繫無所有處。	以識緣空，超出空無邊處，而入無邊識，住識無邊處。	思惟四禪，以為念色身苦，滅一切色相，除有對之相，觀無量無邊之空，入無邊處，如鳥出瓶。	先捨憂喜，離諸苦樂，出入息寂，極善清淨。	捨離喜心，正念正知，受自地之妙樂。	滅有覺觀，內信一心，無覺無觀，有自定中而生之喜與樂。	除滅欲(心)愛(身)，不善等心，有覺有觀，離欲界而生之喜與樂。		釋

三禪 三災

四禪天

- 一、離生喜樂地——火災
- 二、定生喜樂地——水災
- 三、離喜妙樂地——風災
- 四、捨念清淨地——超出三災


大三災以執著四大假合之身及妄想心故

華嚴經淨行品修行定慧偈


正身端坐	當願眾生	坐菩提座	心無所著（不著六塵、見愛故。）
結跏趺座	當願眾生	善根堅固	得不動地（定慧堅固故。不爲妄想所動故。）
修行於定	當願眾生	以定伏心	究竟無餘（伏心不生惑故。）
苦修於觀	當願眾生	見如實理	永無乖諍（見眞如理，不偏空有二邊故。）

壹、二十五方便（修行定慧之必要條件）

貳、正修止觀



修境對緣歷、二



阿彌陀佛四十八願

第一。國無惡道願：設我得佛國有地獄餓鬼畜生者。不取正覺。

第二。不更惡道願：設我得佛國中天人壽終之後復更三惡道者。不取正覺。

第三。身真金色願：設我得佛國中天人不悉真金色者。不取正覺。

第四。形色相同願：設我得佛國中天人形色不同有好醜者。不取正覺。

第五。宿命智通願：設我得佛國中天人不知宿命。下至知百千億那由他諸

劫事者。不取正覺。

第六。天眼普見願：設我得佛國中天人不得天眼。下至見百千億那由他諸

佛國者。不取正覺。

第七。天耳普聞願：設我得佛國中天人不得天耳。下至聞百千億那由他諸

佛所說。不悉受持者。不取正覺。

第八。他心悉知願：設我得佛國中天人不得見他心智。下至知百千億那由

他諸佛國中眾生心念者。不取正覺。

第九。神足無礙願：設我得佛國中天人不得神足。於一念頃下至不能超過

百千億那由他諸佛國者。不取正覺。

第十、不貪計身願：設我得佛國中天人若起想念貪計身者不取正覺。

第十一、住定證滅願：設我得佛國中天人不住定聚必至滅度者不取正覺。

第十二、光明無量願：設我得佛光明有能限量下至不照百千億那由他諸佛

第十三、壽命無量願：設我得佛壽命有能限量下至百千億那由他劫者不取

第十四、聲聞無數願：設我得佛國中聲聞有能計量乃至三千大千世界眾生

第十五、隨願修短願：設我得佛國中天人壽命無能限量除其本願修短自在

第十六、不聞惡名願：設我得佛國中天人乃至聞有不善名者不取正覺。

第十七、諸佛稱歎願：設我得佛十方世界無量諸佛不悉咨嗟稱我名者不取

第十八、十念必生願：設我得佛十方眾生至心信樂欲生我國乃至十念若不

第十九、臨終接引願：設我得佛十方眾生發菩提心修諸功德至心發願欲生

生者不取正覺。唯除五逆、誹謗正法。

生者不取正覺。唯除五逆、誹謗正法。

生者不取正覺。唯除五逆、誹謗正法。

生者不取正覺。唯除五逆、誹謗正法。

生者不取正覺。唯除五逆、誹謗正法。

生者不取正覺。唯除五逆、誹謗正法。

第二十四、欲生果遂願……我國臨壽終時。假令不與大眾圍繞。現其人前者。不取正覺。設我得佛。眾生聞我名號。繫念我國。植眾德本。至心迴向。

第二十三、欲生我國。不果遂者。不取正覺。

第二十二、三十二相願……設我得佛。國中天人。不悉成滿三十二大人相者。不取正覺。設我得佛。他方佛土諸菩薩眾。來生我國。究竟必至一生

補處。除其本願自在所化。爲眾生故。被弘誓鎧。積累德本。度脫一切。遊諸佛國。修菩薩行。供養十方諸佛。如來。開化

恆沙無量眾生。使立無上正真之道。超出常倫諸地之行。現前修習普賢之德。若不爾者。不取正覺。

第二十三、供養諸佛願……設我得佛。國中菩薩。承佛神力。供養諸佛。一食之頃。不能

徧至無量無數億那由他諸佛國者。不取正覺。

第二十四、供具隨意願……設我得佛。國中菩薩。在諸佛前。現其德本。諸所求欲。供養

之具。若不如意者。不取正覺。

第二十五、演說妙智願……設我得佛。國中菩薩。不能演說一切智者。不取正覺。

第二十六、那羅延身願……設我得佛。國中菩薩。不得金剛那羅延身者。不取正覺。

第二十七、一切嚴淨願……設我得佛。國中天人。一切萬物。嚴淨光麗。形色殊特。窮微

極妙無能稱量。其諸眾生乃至逮得天眼有能明了辨其名數者。不取正覺。

第二十八。道樹高顯願：設我得佛。國中菩薩乃至少功德者。不能知見其道場樹無量光色高四百萬里者。不取正覺。

第二十九。誦經得慧願：設我得佛。國中菩薩若受讀經法。諷誦持說而不得辯才智慧者。不取正覺。

第三十。慧辯無限願：設我得佛。國中菩薩智慧辯才。若可限量者。不取正覺。

第三十一。照見十方願：設我得佛。國土清淨皆悉照見十方一切無量無數不可思議諸佛世界。猶如明鏡。覩其面像。不爾者。不取正覺。

第三十二。寶香妙嚴願：設我得佛。自地已上。至於虛空宮殿樓觀池流華樹國中。所有一切萬物。皆以無量雜寶百千種香。而共合成。嚴飾奇妙。超諸天人。其香普熏十方世界。菩薩聞者。皆修佛行。若不爾者。不取正覺。

第三十三。蒙光柔軟願：設我得佛。十方無量不可思議諸佛世界眾生之類。蒙我光明觸其體者。身心柔軟。超過天人。若不爾者。不取正覺。

第三十四。聞名得忍願：設我得佛。十方無量不可思議諸佛世界眾生之類。聞我

名字不得菩薩無生法忍。諸深總持者。不取正覺。
第三十五。脫離女身願。設我得佛。十方無量不可思議諸佛世界。其有女人聞我名字。歡喜信樂。發菩提心。厭惡女身。壽終之後。復爲女像者。不取正覺。

第三十六。常修梵行願。設我得佛。十方無量不可思議諸佛世界。諸菩薩眾。聞我名字。壽終之後。常修梵行。至成佛道。若不爾者。不取正覺。
第三十七。天人致敬願。設我得佛。十方無量不可思議諸佛世界。諸天人。聞我名字。五體投地。稽首作禮。歡喜信樂。修菩薩行。諸天世人。莫不致敬。若不爾者。不取正覺。

第三十八。衣服隨念願。設我得佛。國中天人。欲得衣服。隨念卽至。如佛所讚應法妙服。自然在身。若有裁縫染治浣濯者。不取正覺。

第三十九。樂如漏盡願。設我得佛。國中天人。所受快樂。不如漏盡比丘者。不取正覺。
第四十。樹中現刹願。設我得佛。國中菩薩。隨意欲見十方無量嚴淨佛土。應時如意。於寶樹中。皆悉照見。猶如明鏡。覩其面像。若不爾者。不取正覺。

第四十一。諸根無缺願。設我得佛。他方國土。諸菩薩眾。聞我名字。至於得佛諸根。

缺漏不具足者不取正覺。

第四十二、清淨解脫願：

設我得佛。他方國土諸菩薩眾。聞我名字。皆悉逮得清淨解脫三昧。住是三昧。一發意頃。供養無量不可思議諸佛世尊。而不失定意。若不爾者。不取正覺。

第四十三、聞名得福願：

設我得佛。他方國土諸菩薩眾。聞我名字。壽終之後。生尊貴家。若不爾者。不取正覺。

第四十四、修行具德願：

設我得佛。他方國土諸菩薩眾。聞我名字。歡喜踴躍。修菩薩行。具足德本。若不爾者。不取正覺。

第四十五、普等三昧願：

設我得佛。他方國土諸菩薩眾。聞我名字。皆悉逮得普等三昧。住是三昧。至於成佛。常見無量不可思議一切如來。若不爾者。不取正覺。

第四十六、隨願聞法願：

設我得佛。國中菩薩。隨其志願。所欲聞法。自然得聞。若不爾者。不取正覺。

第四十七、聞名不退願：

設我得佛。他方國土諸菩薩眾。聞我名字。不即得至不退轉者。不取正覺。

第四十八、得三法忍願：

設我得佛。他方國土諸菩薩眾。聞我名字。不即得至第一第二第三法忍。於諸佛法。不能即得不退轉者。不取正覺。

普爲捐資助印附印及受持讀誦展
轉流通者回向偈曰

願以此功德	消除宿現業
增長諸福慧	圓成勝善根
所有刀兵劫	水火及饑饉
疾病災難等	普願盡消滅
先亡皆超昇	現眷咸安樂
風雨常調順	人民悉康寧
國運轉昌隆	世界普和平
法界諸含識	同證無上道

※ 非 賣 品 ※

佛七課誦

印行：蓮因寺大專學生齋戒學會

地址：南投縣水里鄉頂坎村圳頭巷十五號之一

中華民國八十二年正月月中旬恭印

